

觀世音菩薩於吾  
中土最有緣故屢  
顯種種靈感持此  
書者如能恭謹持  
誦或廣行印送福  
慧功德必無限量

白衣大士神咒靈驗紀















白衣大士神咒

南無大慈大悲救苦救難廣大靈感

觀世音菩薩 摩訶薩 三稱三拜

南無佛 南無法 南無僧 南無

救苦救難觀世音菩薩 怛只哆

唵<sup>音安</sup> 伽<sup>音霞</sup>囉<sup>音納</sup>伐哆 伽囉伐哆 伽<sup>音阿</sup>訶<sup>音校</sup>

伐哆 囉伽伐哆 囉伽伐哆 娑

婆訶 天羅神 地羅神 人離難



難<sup>音謨</sup>離身 一切災殃化為塵 南無  
 摩訶<sup>音百</sup>般若<sup>音也</sup>波羅蜜


唸十遍點一圈。圈滿。共一萬二千遍。送印一千二百卷。  
 為一願。所求必應。

期		齋	
正月	初八	二月	初七初九
四月	廿二	五月	初三十七
七月	十三	八月	十六
十月	初二	十一月	十九
三月	初三初六	六月	十六十八
九月	十九廿三	十二月	廿四廿五


每逢朔望閏月同前



念 十 遍 點 一 圈









持咒時。整肅儀容。心無雜念。對  
觀音大士恭謹禮拜。每合掌誦唸「南無大慈悲。救苦救難。廣大靈感  
觀世音菩薩摩訶薩」一遍。即一禮拜。誦念三遍。禮拜三次。禮拜畢  
。即跪唸神咒。（從南無佛唸至南無摩訶般若波羅密爲一遍）此神咒  
。宜於平時香。花。供。養。不可隨。便。唸。如發願持咒。求菩薩  
保佑。宜虔。誠。誦。唸。不。可。間。斷。誦至一萬二千遍。方始  
圓滿願心。在誦持期間。宜修。三。業。少近。葷。酒。必蒙。慈悲  
護佑。若虔誠皈。依祇遵觀音菩薩普門品所說。每日虔誦「南無觀世  
音菩薩」一句。或十百千句均可。



## 敬錄靈異

天津地方法院院長周祖琛先生曰。民國二十一年五月。幼兒永瀨方四歲。忽患頤腺炎。兩腮腫爛。舌起白點。頑痰上擁。沿及左腿關節。亦紅腫化膿。連續發熱。凡二十餘日。用手術割開患部計四處。體弱病久。瀕於死者數矣。六月十四十五兩日。尤危篤。急極無可爲計。余家素奉 觀音菩薩像。因默禱如兒能脫險。當印送北平中央刻經院之觀音靈異紀五百部。勸人爲善。倉卒動念。不以告人。并內子亦不之知。六月十六日之夕。內子詩嫻忽夢一老嫗。手持淨瓶。語內子。爾家小孩病不日愈。可無慮云云。語畢而內子忽醒。自是日起。恙逐日漸減退。西醫王君崇光張君子修。皆驚謂痊癒之速。出於意料。証以向所默禱。與內子所夢謂非。大士默佑之力其可乎。夫神權之說。儒者所不言方今之世。尤以迷信爲陋即余平日亦何莫不然。但此事實係親身經歷。無一語虛假。於以知天人感應之理。爲不可誣也。爰書之以彰靈應。並質當世。

遼寧省政府主席前東三省鹽運使奉天省長翟熙仁先生有靈異紀實曰。民國十四年夏。家母在籍患足疾。纏綿至七月中旬未愈。西醫診云。已變爲腎臟炎。勢甚危險。余牽於職事



並時局關係。未能即時回籍省視。倉皇無措。因閱中央刻經院之觀音靈異紀。見白衣觀音咒及觀音十句經。靈感異常。因同全家在觀音前發誓。朝夕虔誦。並施送靈異紀及了凡四訓各五百卷。默求佑護。早日痊癒。此正夏歷七月十四日也。嗣得家書。知家母日漸痊可。余於中秋節後。始得脫身回里。細詢病中情形。家母告云。諸藥均無甚效。惟於七月二十二日以前某夜。（病中忙記時日）正腫痛難忍之際。忽見由堂屋門來一白衣之人。身量高大。走入屋內。惟時電燈尚未熄滅。驚駭間呼家人齊至。忽已不見是夜覺足間奇癢。次早。腫處消去大半。未及旬餘。已步履如常矣。蓋母夜見白衣之時。正余在營口鹽運使署中發願誦經之期。並未作書稟告。而家中忽感此靈異。以七十高年病延數月得此意外奇效。不日而愈。若非神佑曷能臻此。因再發願施送觀音靈異紀二千冊，了凡四訓一千冊。以答神庥。並請將此靈感。附印於靈異紀後。以堅信仰。

張大中。湖北隨縣人住北京香爐營頭條胡同素虔持是經。民國十五年丙寅冬。因事趁漣陞輪船至申。船至吳淞口外。觸礁沉沒死者甚多。君獨以持咒。獲慶生旋聞者莫不興起。

民國十五年秋。武昌被圍四十餘日。前汝陽道尹許鶴人。時在武昌。全家二十餘人。無法



出險。糧食垂盡。槍礮之聲。又震耳欲聾。人人以淚洗面一日忽憶在汝陽道任時曾得北京中央刻經院印送之觀音靈異紀內載種種靈異事實。亟檢出虔誠叩求。惟各種經咒字句。不易卒讀。乃擇白衣大士神咒令合家晝夜持誦不輟。並發願印送一萬本三數日後。覺精神疲倦異常。羣思入睡。旋竟酣然高臥。一物不知。及醒。則城破已久。秩序早安。左右居鄰被搶一空。遭飢餓驚恐及奸淫槍殺而死者。不知凡幾。而許全家獨以熟睡一無驚恐亦未受有損失斯誠大士聞聲救苦。悲愍衆生之靈應也。

民國十六年丙寅歲終。予供職吉林阿城車站。一夕夢父自津來。言予有大難。汝歸家可得解。遂與父同行。至一渡口。予乃向南叩禱觀音菩薩。求佑予父。願持齋念佛。修廟施經。忽見南岸湧出一山。有人告余曰。此乃普陀巖也。遂叩頭頂禮忽覺身臥床上。見室內有觀音菩薩坐像。韋陀菩薩持杵立像傍。醒後知爲大士警化。乃請觀世音菩薩聖像供養。然心恒惴惴以父病爲憂。及丁卯年正月二十一日。接家書。言父病垂危。速歸一面。予見書焦急無計。乃在菩薩像前。悲泣叩禱。發願印施觀音經五百本。白衣咒千二百張。並減已壽以延父年。跪誦大悲咒五十遍。以求感格。即日某歸。二月朔抵家。而父病已癒。先是



父病危。數日未進飯食。身體亦不能轉側。醫藥無效幾生無望。家人爲治棺衾。延至正月二十六日。臂部忽生巨瘡。西醫施手術後。流血過多。暈迷不省人事。逾日乃甦。顧謂家人曰。予頃入冥間。遇一吏。言不可留命我速歸。歸途暗黑無光。旋見家門。遽然醒矣。由是病勢日有轉機。迨予抵家時父已康復如常。二月上旬。予父夢一童子。贈以大翠桃一。由是體益健。而臂部之瘡漸生肉而得平復。因念予父以七十一歲之老人。病入膏肓。而竟得起死回生。若非菩薩尊神之力。曷能臻此。予父現年七十四歲精神較前尤佳。予感恩心切。遂皈依三寶。長齋念佛。天津范醒橋記。

余來延邊服務。轉瞬十稔。得暇即虔誦觀音十句經。民國十六年冬。得家書。謂母病重。促令速歸省視。因年關在邇。公務紛繁。欲歸不得。心懸兩地。甚以爲憂。及虔誦觀音十句經朝夕不輟。乞求母病早愈。次年正月十六日。請准短假。回里省視。乘天圖鐵路火車。行抵八道河子車站車甫發。車中遇匪開槍射擊。同車之本地人。男女死者五名。站長李某。受傷頗重。余於槍鳴之際。忽誦觀音十句經。雖若大之槍聲。直等於無聞焉。並坐之日婦。被槍身死。余則安然無事。脫此重險。逢凶化吉。平安抵里。若非觀音大士



佛法靈佑。安得無恙也。歸家後母病早愈。歡聚之餘。合家稱幸。因感觀音菩薩法之靈。特以爲記。以彰聖道。民國十九年夏歷。又六月二十八日。長春陳介夫謹識。

民國十二年廣州軍久困惠城。用飛機向城內拋擲炸彈。前後不下千枚。城內居民驚恐萬狀。諸善信于南城長壽庵虔禱觀世音菩薩前。自後飛機之來。恒有數白鴿迴翔其後。炸彈擲下。或落池中。或落曠地。甚少傷人。有一彈。落某舖廚房中。直指水缺而下。缸破水流。而彈竟不知去向。又一彈。中水東街某香舖。落於香粉筐內。竟不知爆炸。否則舖內七八人。血肉橫飛矣。此皆菩薩加被之力也。

蕪湖許厚鈺。年三十三歲。曾在美國波斯盾電機工程大學畢業。回國後。服務于上海馬關康公司。担任工程師職務。因公往粵閩一帶。接洽工程事宜。由廈門到汕頭。由汕頭到香港。船行至紅海灣。突有海盜十餘人。刦船傷人。擄去搭客四人。許厚鈺其一也。此事在十八年舊歷八月十六日。其家得信後。破產救濟。收效卒鮮。伊伯父許尙之。計窮力竭。焚香告天。日誦普門品十遍。觀音十句經十遍。白衣觀音咒十遍。及南無觀世音菩薩千聲。誦至三月之久。時厚鈺在盜窟中。受危成病。呻吟床榻。某日夜間。夢見其母。謂之。



曰。吾來救汝。言畢而去。恍惚中。來時見之爲母。去時所見則時頭戴觀音兜。一身青衣之觀音也。厚鈺因是駭極。大汗而醒病亦自愈。自念曰。此乃觀音化身也。亦也難中默念觀世音菩薩不絕口。嗣以共黨與海盜交關。盜挾厚鈺奔逃。共軍追逼凶猛。槍彈如雨。掠耳臨頭。危險萬狀。盜匪乃捨厚鈺而逃。時厚鈺困在盜窟有六閱月之久。十九年二解半後。脫離虎口。得慶生還。錄之以表持誦觀音聖提及經咒者之靈異。

去歲春。余母櫻喉疾甚苦。來平就醫經年。未見效也。上月余父得大士咒一。以余母素拳釋氏。因令持誦。習靜而已。未敢冀其必蒙佛佑也。乃翌夕而有白衣人入夢。寤而喜曰。殆佛應乎。持誦益虔。並發願印送千二百本。以廣流布。數日疾益輕。萬遍後疾爽然矣。夫大士咒之靈應。載籍記之已屢。然習遠世異辭。未有耳親目炙可以發人信心。如余母所者也。亟記之以彰佛慈。辛未初夏中州王博九敬識。

余因戒烟數次。體弱以極。年前復患痰症。心煩氣短。又加腿痛等病。迭經中西醫診治。服藥均未見愈。終日愁悶。無計可施。忽由育才弟書架上。檢出觀音異記一本。當即供在神前默禱。從此虔心誦念觀音十句經。及白衣大士咒。如能拔除病苦災難。每日即誠潔誦



經念佛不輟。並發願展印靈異紀五百卷。自默求後。病勢日漸減輕。此皆神力佑護。不難早日復原。茲將靈威附印書後。以告世人。若有瀕於危而乏救者。請虔誦觀音聖就武經咒。皆可由危而安。轉禍爲福也。辛未季春中浣海城。鮑綬章伯英謹記。（按鮑君係前吉林督軍省長鮑貴卿君之長公子）

印光法師曰。產難之原因。多由宿世現生指業所致。倘女子於幼時。常念南無阿彌陀佛。與南無觀音世菩薩聖號。自可消除宿現殺業。殺業消。則臨產自無作障令不生者。此亦治之于未病之先之一法也。其或未聞佛法。若至臨產。苦不即生。當令產婦。并在旁料理之親屬。均以至誠心。念南無觀世音菩薩。所有宿世怨家。障不令生者。一聞菩薩名號。以菩薩威得神力。當即遠避。不敢作祟矣。有謂臨產裸露不淨。念菩薩名。或致褻瀆得罪。此係以凡夫情見。妄測菩薩心行者。不知此係性命相關之時。不得以平常了無病苦時論。譬如兒女墜於水火。呼兌每以求救援。父母聞之。當即往救。斷不至因衣冠不整齊。身體不淨。而不肯救援也。吾一弟子。數年前在四川。至一友人家。聞婦人叫得傷心。因問何故。曰。婦生子已兩日生不下。恐命不能保。彼謂急令產婦念觀世音聖號。汝於天井。



焚香跪念。管保即生。其人與婦就。又復自念。未久生兒。婦猶不知。及聞兒哭。方知已生。婦言。初欲生明。見一人以兜其下體。故生不出。及念觀世音聖號。見其布已脫。故生出尚不知。聞兒哭方知已生耳。前蘇常道尹某公。性嚴刻。出身軍旅。殺戮甚多。時有屠戶之號。艱於子嗣。兄弟數人。並皆不育。後退歸田里。忽發度持白衣咒並觀音聖號。以彌往愆。數年後得一子。夫婦皆已年逾花甲。老蚌生珠。聞者莫不爲之興起。

前北平法制局實業部參事唐慕汾君。其夫子邵女士。於癸亥孟夏。孿生二女。胞現兩晝夜胎乃未下。幾瀕於危。虔禱立願。日誦觀音聖號數千聲。並印送白衣咒數萬張。母子均慶安全。

吳縣王錫璋之妻姚氏。患難產。三日夜不下。中西醫皆束手。乃合家茹素虔求觀音菩薩垂佑。及夜。忽聞異香撲鼻。產婦覺遍體清涼。精神一振。竟得平安下產。



羅雅君。生長廣東南海縣。平日讀書。性喜新代學說。對於神佛之事。絕不注意。惟家父母。素樂奉一觀音聖像。流離顛沛。必携以隨。廣州淪敵。舉家避難廣西柳州民國三十三年。桂林淪陷。復避處柳州屬之東泉鄉。詎同年九月終旬。柳州東泉。同時爲敵佔據。女一家六口。逃避不及。即困於敵佔據之信義村松山脚羅姓家。十月十三日。敵寇數千。大搜松山一帶。四面包圍。有似密佈網羅之勢。當地人民。罹害者不知凡幾。女等臨時無策。即同登一最不潔之廚樓上躲避。僅留一六十餘歲之老父。在外應付。母親則頻頻默禱觀音菩薩庇護。敵人入室。傾箱倒篋。大肆搜掠。老父被縛以去。所住之屋。敵頻出進不息。卒未登該廚樓搜索。女等當時戰慄。時鼻息不敢出。候至深夜敵退。始相率下樓。蒙面往外逃走。當夜人地生疏。不識逃避方向。惟有捧着觀音聖像。禱求帶路出險。是夜所行之路徑處處與敵接近。并不與之遭遇。次日天明。卒得脫險。老父亦同時逃脫。復相團聚。此誠出意料之外。女因此。



即向觀音菩薩前禱求。倘能永遠不與敵遇。當印送白衣觀音大士神咒靈驗紀一千二百卷。勸人爲善。并自發願。虔誦白衣觀音大士神咒一萬二千遍。禱求庇護。後避處中縣渡屬之岩口村岩洞內。約兩個月。敵亦未至。因聞風鶴緊急。復避長安。及離岩洞數日。敵即炮轟該岩。人民死傷甚衆。又三十四年五月。因聞敵退。回住東泉鄉大樟村。詎居未久。敵復大擾東泉。附近二十里內。俱爲敵佔。人民逃避一空。女當日舉由大樟村向北逃避。擬往中渡縣屬之古祿村附近山岩。行至中途。忽然轉念。改向南行。往毗連駱容縣屬之大村屯躲避。自後西面楚歌。東泉附近。大遭蹂躪。古祿山岩。亦遭轟擊。惟大村屯一隅。并無敵至。住至六月初一。糧食罄盡。告貸無門。正在山窮水盡之際。敵忽撤退。我國大軍繼至。從此永脫危險。幸甚幸甚。計女等避難。所歷時期。先後達十個月。危險重重。卒未與敵遭遇。舉家得以安全。若非觀音菩薩之力佑護。曷克臻此。特將經過驗應實情。錄之以堅信者。



## 羅瑩女士靈異錄（一九六五年八月）

余出生廣州、移居香港、體弱多病、年青好勝。追逐歐風。性喜藝術、對於神佛之說、絕不置信。且譏爲迷信。惟家中素奉觀音大士。家母屢言大士之靈驗、力証家姐年幼、陷敵區時、幾遭日敵摧害。幸爲觀音大士所救。故曾敬印此咒。余亦唯唯而已、五年前、余應聘往新加坡登台。年輕性傲、恬淡清高。不擅應酬、致觸怒一黑社會首。惡我如仇、誓加陷害、是時弱女飄零、異鄉作客。舉目無援、突憶家母之言。觀音大士慈悲之聖像、泛余腦際、故泣拜於地、虔誠禱告。如能脫險。逃出勢力、則終生信奉大士。行善爲懷。廣印此靈咒、普告世人。結果竟出意外、大士法律無邊、惡者之親信。如遭催眠。一反常態。盡告其計於我。並力庇護。教余向當地某紳公投訴、可獲



救。由此余反險爲安。以後一帆風順。雖不敢言名成利就。亦頗稱心如意。平安返港。從此虔心向善。身體亦日漸康復。此乃拜大士所賜。今春又遭厄運。經濟糾紛。勢必發生訴訟。余心亂之下。往跑馬地拜於東蓮覺院。觀音大士之前。求解救（余自新加坡回、常往東蓮覺院拜觀音。

又許下誠願。敬印此咒一千二百卷。不十日。峯迴路轉。困難頓解。余受此奇驗。若非觀音大士佑護。馬能有此。謹以摯誠。敬印神咒。以助信者。



一九七一年九月廿九日午夜，一時不慎，坐空跌地，傷左腿，痛苦難支。乃報請九九送入醫院求治。經X光檢查，左腿骨上部近盤骨處有裂紋，膝部半邊脫臼。醫生採取靜臥療法，即平臥不動，使碎骨自然結合，脚上敷石膏，以校正腿部位置。

如是靜臥二月有餘，醫生吩咐拆除脚上石膏。竊喜石膏一經拆除，左腿當可伸縮自如，入夜側身而臥，可以好好睡一大覺矣。孰料石膏雖經拆除，左足竟不能彎曲。恐惶之餘，急向病房上護士詢問，護士却置若罔聞。（其時余已改住療養院，原醫院因病床不敷，故將臥床較久者，送往療養院休養。每星期由原醫院醫生來診治，有護理護士來指示運動。）自思年近古稀，左足如從此不能伸曲自如，形同殘廢，生不如死，不禁悲從衷來，痛哭失聲，哀求菩薩救我。觀音救我。正在一面哭一面求觀音保佑之際，余忍痛雙手捧住膝頭，輕輕試行彎曲。如是直至次日清晨，忽聞拍然一聲巨响，驚惶莫名。定神後，再捧住膝部彎曲，膝部痛苦已減。再用力重擻膝骨，已不感痛，始知原已半邊脫臼之膝骨，今已入臼矣。觀音之有求必應之焉如斯。

出院返家後，時去東蓮覺苑禮拜觀音，見羅瑩女士印送「白衣大士神咒靈驗記」一書，拜讀之下，心有同感。當時我在醫院內曾發誓翻印觀音聖像，廣送信男信女。茲改印「神咒靈驗記」。以堅信者信俗，當亦殊途同歸也。一九七二年九月徐氏謹誌。







贈閱品

柯華印務出版公司承印

*Printed by* **Kowah Printing & Publishing Co.**

Blk 1057, Eunos Ave. 3, #03-95 & #03-87

Singapore 409848.

TEL: 7480411, 7465334 FAX: 7442134